



## Publicaziuns dalla vischnaunca, jamna 17

### Damondas da baghegiar

#### 2024-1027.000

**Datum dalla publicaziun: 26-04-2024**

Patruns: Flurina Albin e Pascal Flepp  
Via Chischliun 1,  
7180 Disentis/Mustér

Intenziun: Construcziun d'ina siara da curtin

Parcella: 999

Adressa: Via Chischliun 1,  
7180 Disentis/Mustér

Zona: Zona da habitar

Zona da prighel: Negina zona da prighel

#### 2024-1034.000

**Datum dalla publicaziun: 26-04-2024**

Patrun: Vischnaunca Disentis/Mustér  
Via Cons 2,  
7180 Disentis/Mustér

Representant: ipz ingenieure + planer ag  
Via Sursilvana 11,  
7180 Disentis/Mustér

Intenziun: Construcziun d'ina senda nova

Parcella: 2364

Adressa: Ragisch,  
7183 Mumpé Medel

Zona: Zona agricola

Zona da prighel: Negina zona da prighel

#### 2024-1035.000

**Datum dalla publicaziun: 26-04-2024**

Patruns: Ignaz e Madlen Deflorin-Spescha  
Via Davos-Mustér 5  
7180 Disentis/Mustér

Representant: architectura tambornino  
Via Principala 44  
7166 Trun

Intenziun: Nova terassa nord / Remplazzar ils tschabergals da lenn dil balcon entras  
veider e montar passamaun

Edifeci nr.: 700

Parcella: 854

Adressa: Via Davos-Mustér 5  
7180 Disentis/Mustér

Zona: Zona da habitar mischedada

Zona da prighel: Negina zona da prighel

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

---



---

## Annunzias da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou ils suandonts projects:

### **Nr. 2024-2032.000**

Brigitte e Jakob Berger-Jost, Via Sontga Gada 10, 7180 Disentis/Mustér, remplazzar la seiv existenta, parcella nr. 3844, Via Sontga Gada 10, 7180 Disentis/Mustér

### **Nr. 2024-2036.000**

STWEG casa l'Ucliva, Via Funs-Dado 1-3, 7180 Disentis/Mustér, colurar il tetgcasa, installar eras aultas, parcella nr. 671, Via Funs-Dado 1-3, 7180 Disentis/Mustér

### **Nr. 2024-2037.000**

Tresa Schuoler-Flepp, Via Clavaniev 12, 7180 Disentis/Mustér, sanar e cumpletar il mir da sustegn, parcelas nr. 1380 e 1430, Clavaniev, 7180 Disentis/Mustér

Uffeci da baghegiar Disentis/Mustér

---

## Cussegl da vischnaunca

Il cussegl da vischnaunca seraduna mesjamna, **igl 1. da matg 2024**, allas 19.30 ella stanza da sedutas Cumiera sper la cafetaria el Center Fontauna.

### **Tractandas:**

1. Protocol 31-2021/2024
2. Rapport da gestiun e quen 2023 (messadi 53-2021/2024)
3. Abdicaziun dall'antieriura cumissiun da baghegiar: Pareri dalla cumissiun da gestiun
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

---

## Zonas dil spazi d'aua

**Gliendisdis, ils 29 d'avrel 2024 ha liug allas 20.15 en Halla Cons** ina informaziun davart las zonas dil spazi d'aua. Ei setracta d'ina informaziun ch'ei drizzada specialmein als cultivaders ed allas cultivadras da terren sco era als possessurs ed allas possessuras da prau. A caschun dall'orientaziun vegn orientau davart la nova zona dil spazi d'aua ch'ei previda per liung da flums, dutgs, uals ed autras auas surterranas en vischnaunca. Tuttas e tuts cultivaders da terren sco era possessurs da prau ein envidai a quella sera d'orientaziun.

Departament d'agricultura Disentis/Mustér

---



---

### Santeri Sogn Gions Mustér – Sclamada da fossas

Per saver realisar la fossa comunabla en santeri da Sogn Gions vegnan las fossas sisum santeri, las qualas il temps da ruaus ei spiraus, sclamadas.

Tenor las prescripziuns digl art. 12 dalla lescha davart il satrar ed igl uorden da santeri dalla vischnaunca da Mustér munta il temps da ruaus per fossas 20 onns.

Las suandontas fossas en santeri Sogn Gions vegnan sligadas:

- Agnes Herzog-Schuoler
- Cecilia Desax
- Hedwig Lutz
- Ida Lechmann-Pedretti

Nus supplichein ils vegnentsuenter resp. talas personas ch'ei responsablas per las fossas d'allontanar cruschs, monuments e fluras entochen ils **26 d'avrel 2024** ni d'informar igl uffeci infrastruttura co igl ei da proceder. Las ramas dallas fossas vegnan demontadas entras la vischnaunca, medemamein tuttas cruschs e monuments ch'ei buca vegni allontanai entochen ils 27 d'avrel 2024.

Nus supplichein Vus da prender enconuschientscha ed engraziein gia ordavon per Vossa collaboraziun e Vossa capientscha.

Uffeci infrastruttura e baghegiar Disentis/Mustér

---

### Tagl da lenna – serrada dalla via Plaun Menisch

Muort lavurs da transport da lenna cun suga vegn la via da Plaun Menisch ad esser serrada pil traffic motorisau sco era pil traffic plaun. Las lavurs han prevedentamein liug el decuors dallas proximas 3-4 jamnas. Pertuccau ei il tschancun da Plaunca Su – Pardi sco era Fontanettas – Plaun Menisch.

Per damondas urgentas eis ei da contactar il selvicultur Simon Cathomen, Telefon; 081 920 36 41.

Bien engraziament per l'enconuschientscha e capientscha.

Uffeci forestal Disentis/Mustér

---

### Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni adminstraziuns d'immobillas che han pigl 1. da zercladur 2024 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **3 da zercladur 2024**.

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ei pil di da controlla (01-06-2024) vitas, denton habitablas
- ch'ei pil di da controlla (01-06-2024) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communal

---



---

### **Evang.-Reformierte Kirchgemeinde Cadi**

ADATG: il termin dils 27 d'avrel vegn stuschaus!

**NIEV: Suentermiezdi da cant cun Regina Wilms, sonda, ils 11 da matg 2024** allas 14.00-17.00 el Center Aua Viva, Via Raveras 25, Disentis/Mustér

ACHTUNG: der Termin vom 27. April 2024 wird auf Mai 2024 verschoben!

**NEU: Singnachmittag mit Regina Wilms, Samstag, 11. Mai 2024** von 14–17 Uhr im Begegnungszentrum Aua Viva, Via Raveras 25, Disentis/Mustér

---

### **Biblioteca populara Disentis/Mustér e contuorn**

#### **Topps EURO 2024 - buorsa da brat**

Neu era ti en biblioteca e bratta tes taccaders da Topps cun auters fans da ballapei!

**Mardis, ils 7 da matg 2024 allas 15.30 –17.00 uras.**

Sin tia viseta selegra

Il team dalla biblioteca

---

### **Corporaziun d'alp Cristallina**

Cordiala invitaziun tier nossa radunonza generala da proprietaris da dretgs d'alp che ha liug **venderdis, ils 10.5.2024** allas 20.00 ell'ustria Cresta a Segnas.

Sco usitau vegn purschiu ina tscheina a tuts presents.

Propostas san vegnir inoltradas a scret al president Anselm Sialm tochen ils 8.5.2024.

Sin stedia participaziun selegra la suprastonza

---

### **Uniun da tiradurs Sedrun-Tujetsch**

#### **Pusseivladads da sittar igl obligatori e campester 2024**

Obligatori: Sonda, ils 4 da matg allas 18:00-18:45  
Pré campester: Mesjamna, ils 15 da matg allas 18:30-19:30  
Campester: Venderdis, ils 24 da matg allas 18:00-20:00  
Campester: Sonda, ils 25 da matg allas 17:00-19:00  
Obligatori e campester: Venderdis, ils 31 da matg allas 18:30-20:00  
Obligatori e campester: Mesjamna, ils 12 da zercladur allas 18:30-19:30  
Obligatori e campester: Venderdis, ils 23 d'uost allas 18:00-19:30

Cun plascher beneventein nus tiraduras e tiradurs el stan da sittar La Resgia a Sedrun.

---

### **Societad sempla Alp Run Disentis/Mustér**

La radunonza generala ha liug ils 13-5-2024.

---

### **Uniun d'exposiziun da biestga**

**Ils 4-5-2024, Pustget, Trun**

Siehe unter Trun!